

«Էդիթ Պրինտ» հրատարակչություն

Ավարտական հետազոտական աշխատանք

*Թեմա՝ Էքսկուրսիաների և մշակութային այցերի դերը սաների
գարգացման գործում*

*Հաստատություն՝ «Աշտարակ համայնքի Աղձքի թիվ 14 Զանգակ մսուր
մանկապարտեզ» ՀՈԱԿ*

Դաստիարակ՝ Գոհար Վարդանյան

Ղեկավար՝ Ժաննա Ավետիսյան

2023թ.

ԲՈՎԱՆԴԱԿՈՒԹՅՈՒՆ

ԳԼՈՒԽ 1: Նախադպրոցականների էքսկուրսիան.	5
1:1 Թեմայի և տեղի ընտրությունը, անվտանգության նախապատրաստումը	7
1:2 Մանկավարժի և ծնողի ներգրավվածությունը	8
ԳԼՈՒԽ 2: ԷՔՍԿՈՒՐՍԻԱՅԻ ԴԵՐԸ ՆԱԽԱԴԴՐՈՑԱԿԱՆ ԿՐԹՈՒԹՅԱՆ ՄԵՋ	9
2.1 Էքսկուրսիայի նշանակությունը ճանաչողական զարգացման հարցում	10
2.2 Ազդեցությունը երեխաների հոգեբանության և էմոցիաների վրա	10
2.3 Ծանոթացում շրջակա աշխարհին և մշակույթին	12
ԵԶՐԱԿԱՑՈՒԹՅՈՒՆ	15
ԳՐԱԿԱՆՈՒԹՅԱՆ ՑԱՆԿ.....	16

ՆԵՐԱԾՈՒԹՅՈՒՆ

Եթե բացենք որևէ կրթական ծրագիր կամ մեթոդական գրքեր, կարևոր չէ, թե որ առարկայի և որ տարիքի համար, վերապատրաստման և կրթության ձևերի, մեթոդների շարքում, շատ դեպքերում, առաջին տեղում էքսկուրսիան է: Էքսկուրսիան կարող է իրականացվել տարբեր ձևերով:

Պատմությունը չի պահպանել հիշողություններ այն մասին, թե երբ և ում կողմից է իրականացվել առաջին էքսկուրսիան ընդհանրապես, բայց մենք հաստատ գիտենք, որ որպես ուսումնական մեթոդ, էքսկուրսիաները սկսեցին ներմուծվել կրթական գործընթացում Արևմտյան Եվրոպայի և Ռուսաստանի ուսուցիչների կողմից 18 - րդ դարի վերջին-19-րդ դարի սկզբին: ուսուցման այս հետաքրքիր մեթոդի անվանումը գալիս է Լատինական "էքսկուրսիոն" բառից:

Պատշաճ կերպով կազմակերպված և իրականացված էքսկուրսիան ինքնին դաստիարակության այնպիսի կախարդական միջոց է, որի միջոցով դուք կարող եք շատ լավ դիտարկել և շտկել երեխաների վարքի խնդիրները, որոնք գուցե միշտ չէ, որ տեսանելի են սովորական գործունեության ընթացքում: Էքսկուրսիան կարող է իրականացվել ինչպես ֆիզիկական, այնպես էլ մտավոր գործունեության միջոցով: Սա հիանալի պատրվակ է՝ օգտագործելու ներառված դիտարկման մեթոդը: Էքսկուրսիայի ընթացքում տեսանելի են ինչպես յուրաքանչյուր երեխայի, այնպես էլ երեխաների կոլեկտիվի առանձնահատկությունները:

Էքսկուրսիան, առաջին հերթին, տեղեկատվություն է: Այն երեխաներին սվորեցնում է, մշակութային վայրերում լինել լուռ, զուսպ, չաղմկել, բնության գրկում լինելիս չաղտոտել տարածքը, չկոտրել ծառերի ճյուղերը և այլն.. Այսպիսով երեխաները էքսկուրսիաների ընթացքում նաև կրթվում են, սովորում վարվեցողության կանոնները և ընդգրկվում են սոցիումի մեջ:

Նախադպրոցական տարիքը անձի ձևավորման կարևորագույն փուլերից մեկն է, ուստի շատ կարևոր է, թե այս շրջանում երեխային ինչ է պետք սովորեցնել, հաղորդել և առավել կարևոր է, թե ինչպես, ինչ մեթոդներով ու ձևերով դա անել:

Նախադպրոցական տարիքի յուրաքանչյուր երեխա, հետաքրքրասեր և անհագ է իրեն շրջապատող աշխարհի նկատմամբ, և հետաքրքրությամբ կլանում է նոր գիտելիքները: Այս տարիքում ամեն բան հետաքրքրում է երեխային: Նա ակտիվորեն ընկալում է աշխարհը, հետևաբար երեխայի տարիքայն այս առանձնահատկությունը պետք է առավելագույնս ճիշտ գտագործվի ուսումնական հասատությունում իրականացվելիք

կրթադաստիարակչական գործունեության ընթացքում: Հենց այս ժամանաահատվածում կարևոր է երեխաների մեջ սերմանել սեր հայրենիքի, բնության նկատմամբ, հետաքրքրություն առաջացնել նրա մշակութային արժեքների նկատմամբ, զարգացնել պատկերացումներն անձի և հասարակության մասին: Այսպիսի կարևոր հարցերի ձևավորմանը մեծապես նպաստում են պարբերաբար կազմակերպվող էքսկուրսիաները և մշակութային այցերը: Ուսումնական և դաստիարակչական այս առանջնահատուկ ձևը հնարավորություն է տալիս բնական պայմաններում դիտարկել առարաները և երևույթները: Միաժամանակ երեխայի մոտ ակտիվացնում է մտավոր ակտիվությունն ու հուզական ոլորտը:

Էքսկուրսիաներն ու մշակութային այցերը տեսարժան վայրերի, թանգարանների, գրադարանների, թատրոնների, արտադրական ձեռնարկությունների, պատմամշակութային կոթողների և բնության գիրկ այցելություններ են ուսումնադաստիարակչական նպատակներով:

Էքսկուրսիաների էությունը կայանում է ցուցադրման և բացատրման համակցության մեջ: Այն զննական մեթոդ է: Էքսկուրսիաները և մշակութային այցերը գործունեության այն ձևերն են, որոնք երեխաներին իսկապես դուր են գալիս:

Էքսկուրսիայի ֆունկցիան ուսումնասիրվող օբյեկտը բնական վիճակում ընկալելն է: Դրանք իրենց ծրագրային օրակարգով տարբեր են, դա կապված է թե ինչպիսի կոլեկտիվ է գնում էքսկուրսիա և որ տարիքային խմբին են պատկանում: Էքսկուրսիաները զարգացնում , ձևավորում. ամրապնդում են մարդու ճանաչողական, ստեղծագործական կարողությունները: Նա կարողանում է ինքնուրույն գիտելիքներձեռք բերել և այդ գիտելիքները ճիշտ կիրառել: Էքսկուրսիան նպաստում է երեխայի հետազոտաստեղծագործական կարողությունների և ամրապնդում է նրա բազմաբնույթ տաճողությունը, որոնք ի հայտ են գալիս ծննդյ պահից: Էքսկուրսիաներն իրենց կարևոր տեղն ունեն ուսուցման գորընթացը կազմակերպելու մեջ: Այն կիրառվում է տարրական նախակրթարանից: Յուրաքանչյուր տարիքային խմբում այն ձևավորվում է յուրովի, ելնելով տարիքային առանձնահատկություններից: Կարևորում են նրանց ճիշտ և տեղին կազմակերպումը: Նախակրթարանու երեխաների մոտ ամեն ինչը դժվարությամբ է ձևավորվում, նրանց մոտ <<կոլեկտիվ>> հասկացությունը դրսևորվեուց հետո, հաջորդ քայլը էքսկուրսիա գնալն է: Այս տարիքային խմբին նպատակահարմար է տանել տիկնիկային թատրոն, նախապես ծանթոացնելով ներկայացման գլծավոր թեմատիկային, էթիկայի կանոններին, առանձին դրսևորման գոծոններին

Այսպիսով նրանք կկաշողանան կողմնորոշվել տարածության մեջ, կգարգացնեն իրենց տեսողական դաշտի պատկերացումները շրջապատող իրերի և անձանց նկատմամբ:

ԳԼՈՒԽ 1: Նախադպրոցականների էքսկուրսիան.

Կարևորությունն ու կազմակերպումը

Էքսկուրսիաները նախադպրոցական կրթական ծրագրի անբաժանելի մաս են կազմում: Այն նպաստում է երեխաների ճանաչողական, սոցիալական և Էմոցիոնալ կարողությունների զարգացմանը:

ԻՆՉՈ՛Վ Է ԷՔՍԿՈՒՐՍԻԱՆ ԿԱՐԵՎՈՐ.

- Էքսկուրսիան յուրահատուկ հնարավորություն է տալիս երեխաներին ճանաչել աշխարհը բնության հետ անմիջական շփման միջոցով
- Խմբի երեխաների հետ շփումը, կանոններին հետևելը և ընդհանուր զբաղմունքները երեխաներին սովորեցնում են համագործակցել միմյանց հետ:
- Էքսկուրսիաները ուշագրավություն են առաջացնում տարբեր իրերի և երևույթների հանդեպ ու իրանում են երեխայի հետաքրքրասիրությունը:

Էքսկուրսիայի կազմակերպումը.

- **Թեմայի ընտրություն**

Էքսկուրսիային պատրաստվելիս կարևոր կետերից է թեմայի ընտրությունը: Այն կատարելիս հատկապես հարկավոր է ուշադրություն դարձնել, որ թեման լինի երեխաների տարիքին համապատասխան, անցնի ակտիվ պայմաններում, լինի չձանձրացնող: Կարևոր է, որ էքսկուրսիան տարբերվի սովորական օրերից: Ստեղծել մթնոլորտ, որտեղ երեխաները կլինեն ազատ և անկաշկանդ, հանգիստ կարտահայտեն իրենց էմոցիաները: օրինակ՝ կարելի է կազմաերպել էքսկուրսիա Գարնան թեմայով, այցելել մոտակա այգի և ցույց տալ երեխաներին բնության

գարթոնքը (ձնհալ, ձյան տակ թաքնված ձնծաղիկներ, և այլն...): Փոքրիկների հետ քննարկել, թե ինչ երևույթներ են տեղի ունենում գարնանը. ցերեկվա տևողության երկարելը, թռչունների վերադարձը, ծառերի ծաղկելը, բույսերի արթնանալը և այլն:

- **Տեղի ընտրություն**

Տեղի ընտրությունն իհարկե կախված է տեղի ընտրությունից: Որքան էլ դաստիարակի ծանոթ լինի էքսկուրսիայի անցկացման վայրը, հարկավոր է նախապես զննել վայրը և անհրաժեշտության դեպքում, պատրաստում անհրաժեշտ նյութեր: Օրինակ՝ զամբյուղներ այգի այցելելու համար, թուղթ, մատիտ և այլն...Լավ է երեխաներին ներգրավել անհրաժեշտ նյութերի պատրաստմանը, դա կօգնի հետաքրքրություն առաջացնել քալիք իրադարձության նկատմբ: Նա նաև սահմանում է էքսկուրսիայի առանձին մասերի անցկացմեն հաջորդականությունը, վայրերը և առանձին դիտարկումների և հանգստանալու համար:

- **Անվտանգության նախապատրաստում**

Հաջորդ կարևոր քայլերից է անվտանգության նախապատրաստումը, ընտրեք տարածք ուշադրություն դարձնելով, որ տարածքը լինի անվտանգ, մեքենաների արագընթաց ճանապարհներից ապահով հեռավորության վրա: Ինչպես նաև նախապատրաստել երեխաներին, զրուցել նրանց հետ, խոսել անվտանգության կանոնների մասին:

- **Մանկավարժի և ծնողի ներգրավում**

Էքսուրսիաները պետք է անցկացվեն մանկավարժի և ծնողի համագործակցության արդյունքում: Էքսկուրսիայի անցկացման ընթացքում հաճախ բաց է թողնվում ծնողի ներկայության կարևորությունը, սակայն պետք է հաշվի առնել, որ երեխաները լիակատար հանգիստ կլինեն և նյութը շատ ավելի հեշտ կընկալեն, եթե իրենց զգան լիակատար ապահով: Իսկ այդ ապահովությունը ստեղծելու գործում կարևոր է թե ծնողի, թե դաստիարակի ներկայությունն ու աշխատանքը:

1:1 Թեմայի և տեղի ընտրությունը, անվտանգության նախապատրաստումը
Էքսկուրսիան մանկապարտեզում մի հրաշալի արկած է, որը երեխաների համար ուրախությամբ և զամանքներով լի է: Կարևոր է էքսկուրսիային պատրաստվել նախապես, որպեսզի երեխաների համար այդ օրը դառնա ավելի հետաքրքիր և ճանաչողական:

Էքսկուրսիայի կազմակերպման առաջին քայլը թեմայի ընտրությունն է: Կարելի է կազմակերպել ուղևորություն դեպի բուսաբանական կամ կենդանաբանական այգի, կամ անգամ երեխաներին ծանոթացնել բնության երևույթների հետ, այնպիսիք ինչպիսիք են ջրի գոլորշիացումը, ամպերի ձևավորումը և այլն... Շատ կարևոր է թեմաները ընտրել ըստ երեխաների տարիքային առանձնահատկությունների և հետաքրքրությունների, որպեսզի առավելագույնս հասկանալի լինի թեման և երեխաները կարողանան ազատորեն մասնակցել թեմայի քննարկմանը: Հարկավոր է երեխաներին ներառել երկխոսության մեջ, տալ հարցեր և թողնել, որ նրանք արտահայտեն իրենց կարծիքը: Դա ոչ միայն օրը դարձնում է տարաբնույթ, այլ նաև թույլ է տալիս, որ երեխաները կարողանան անկաշկանդ գրույցի բռնվել և չամաչել կիսվել իրենց մտքերով: Երկրորդ քայլով անհրաժեշտ է երեխաներին ներկայացնել թե որտեղ և ինչ պայմաններում է անցկացնելու իրենց գալիք էքսկուրսիան: Ներկայացնել անվտանգության կանոնները, առավելագույնս պատրաստել երեխաներին հնարավոր բոլոր վտանգներից հեռու պահելու համար: Հաջորդ քայլով հարկավոր է ընտրել էքսկուրսիայի ուղղությունը: Օրինակ դեպի մանկապարտեզին մոտ այգի կատարած զբոսանքի ժամանակ, դաստիարակը պետք է կարողանա ընտրել այգու ամենահետաքրքիր տարածքները և իհարկե բացատրել երեխաներին, թե այգու որ մասը ինչով է կարևոր կամ առանձնահատուկ: Շատ կարևոր է բացատրել երեխաներին, թե որքան կարևոր դեր ունի բնությունը մարդու կյանքում, բացատրել, թե ինչու է կարևոր բնությունը մաքուր պահելը և կենդանիներին խնամելը: Ցույց տալ սեփական օրինակով:



1:2 Մանկավարժի և ծնողի ներգրավվածությունը

Էքսկուրսիայի ընթացքում ծնողների և ուսուցիչների ներկայությունը առանցքային դեր է խաղում երեխայի հոգեբանության վրա դրական ազդեցության ձևավորման գործում: Ահա այս ազդեցության մի քանի ասպեկտներ:

1. Ծնողներն ու ուսուցիչները երեխաների համար անվտանգության և աջակցության աղբյուր են: Նրանց ներկայությունը երեխաների մոտ ստեղծում է անսովոր միջավայրում վստահության զգացում, ինչը հատկապես կարևոր է էքսկուրսիաների ժամանակ:

2. Համատեղ ուսումնասիրություն և քննարկում. ծնողներն ու ուսուցիչները կարող են ակտիվորեն մասնակցել երեխաների հետ նոր վայրերի ուսումնասիրությանը: Տեղի ունեցածի քննարկումը, հարցեր տալը և տեսածի մասին խոսելը նպաստում են տեղեկատվության ավելի խորը ընկալմանը և մտածողության զարգացմանը:

3. Սոցիալական Փոխազդեցություն: մեծահասակների ներկայությունը բարենպաստ մթնոլորտ է ստեղծում երեխաների և մեծահասակների միջև սոցիալական փոխազդեցության համար: Այն նպաստում է երեխաների դրական սոցիալական հմտությունների ձևավորմանը:

4. Երեխաները կարող են ոգեշնչվել այնպիսի գործողությունների մասնակցությունից, որոնք մեծահասակները նույնպես հետաքրքիր են համարում: Ծնողների և ուսուցիչների օրինակը կարող է հզոր խթան հանդիսանալ երեխաների համար:

5. Էքսկուրսիայի ընթացքում ծնողների և ուսուցիչների հետ փոխգործակցությունը օգնում է ձեռք բերված փորձը ինտեգրել ուսումնական գործընթացին: Էքսկուրսիայի ընթացքում ծնողների և ուսուցիչների հետ շփվելը օգնում է նրանց ավելի լավ հասկանալ, թե ինչ է տեղի ունենում ուսումնական գործընթացում: Սա կարող է ոգեշնչել լրացուցիչ դասեր և քննարկումներ դասարանում:

Այսպիսով, ծնողների և ուսուցիչների համատեղ մասնակցությունը էքսկուրսիաներին ամրապնդում է երեխաների և մեծահասակների միջև կապը, ապահովում է աջակցություն և խթանում երեխաների կրթական և սոցիալական զարգացումը:

Էքսկուրսիաների ընթացքում ծնողների և ուսուցիչների ներկայությունը հիմնարար դեր է խաղում երեխաների հոգեբանության վրա դրական ազդեցության ձևավորման գործում: Այս փորձը ուսուցման և զարգացման կարևոր բաղադրիչ է՝ կարևոր ասպեկտներ ներմուծելով նախադպրոցական տարիքի երեխաների հոգեբանական բարեկեցության մեջ:

Նախ, ծնողների և ուսուցիչների ներկայությունը երեխաների մոտ ստեղծում է անվտանգության և վստահության զգացում: Նոր և անհայտ միջավայրում երեխան կարող է անհանգստություն զգալ, և հոգատար մեծահասակներ ունենալը նրանց աջակցություն և պաշտպանություն է ապահովում: Այն թույլ է տալիս երեխաներին ավելի ազատ ուսումնասիրել շրջակա տարածքը, իրենց հարմարավետ զգալ և վայելել ուսումնական գործընթացը:

Երկրորդ, մեծահասակների և երեխաների համատեղ հետազոտությունն ու քննարկումը հարստացնում են կրթական փորձը: Մեծահասակների կողմից տրվող հարցերի քննարկումն ու դրանց պատասխանները խթանում են մտածողությունը և նպաստում տեսածի խորը ըմբռնմանը: Նման խոսակցությունները հարստացնում են լեզվի

զարգացումը և նպաստում տեղեկատվության վերլուծության և ընդհանրացման ունակության ձևավորմանը:

Երրորդ, ծնողների և ուսուցիչների հետ սոցիալական փոխազդեցությունը երեխաների սոցիալական հմտությունների ձևավորման հիմնական տարրն է: Խմբի մյուս մասնակիցների հետ փոխգործակցությունը, հաղորդակցությունը և համատեղ գործունեությունը նպաստում են թիմում համագործակցության և փոխգործակցության հմտությունների զարգացմանը:

Բացի այդ, ծնողներն ու ուսուցիչները կարող են օրինակ ծառայել երեխաների համար. Նրանց ոգևորությունն ու հետաքրքրությունը շրջապատող աշխարհի նկատմամբ կարող են ոգեշնչել երեխաներին ակտիվորեն մասնակցել և ինքնուրույն ուսումնասիրել: Մոտիվացիայի այս օրինակը խրախուսում է երեխաներին գիտելիքներ փնտրել և ընդլայնել իրենց հորիզոնները:

Այսպիսով, Էքսկուրսիաների ընթացքում ծնողների և ուսուցիչների ներկայությունը հարստացնում է երեխաների կրթական փորձը, նպաստում նրանց սոցիալական զարգացմանը, ինչպես նաև ստեղծում է բարենպաստ հուզական միջավայր, որում ձևավորվում են դրական հիշողություններ և խթանում հետաքրքրասիրությունը:

ԳԼՈՒԽ 2: ԷՔՍԿՈՒՐՍԻԱՅԻ ԴԵՐԸ ՆԱԽԱԴՊՐՈՑԱԿԱՆ ԿՐԹՈՒԹՅԱՆ ՄԵՋ

Էքսկուրսիաների և մշակութային այցերի դերը սաների զարգացման գործում չափազանց կարևոր է, քանի որ դրանք կրթադաստիարակչական գործընթացում ապահովում են ուսուցման, զարգացման և դասիարակման փոխադարձ կապը: Էքսկուրսիաները ընդլայնում են երեխաների մտահորիզոնը և նրանց միտքը հարստացնում են նոր տպավորություններով: Նաև երեխաներին թույլ են տալիս մոտիկից ծանոթանալ այնպիսի առարկաների և երևույթների հետ, որոնք մանկապարտեզում տեսնել հնարավոր չէ: Բացի աշխարհընկալման զարգացումից, էքսկուրսիաները բացառիկ նշանակություն ունեն նաև երեխաների խոսքի զարգացման գործում, քանի որ դրանք խթանում են հաղորդակցվելու ցանկությունը, հարստացնում բառապաշարը, կապակցված խոսքը, երկխոսելու ունակությունները:

2.1 Էքսկուրսիայի նշանակությունը ճանաչողական զարգացման հարցում

Բոլոր տեսակի էքսկուրսիաները նպաստում են սաների մածոդության զարգացմանը, վերլուծելու, ընդհանրացնելու, դասակարգելու, պաճառահեղանմանքային կապեր հաստատելու կարողությանը: Ինչպես նաև ակտիվացնում են սանի ուշադրությունը, դիտողաքկանությունը, հիշողությունը, զգայական ունակությունները: Արդեն թագարանների, թատրոնների, ճարտարապետական հուշարձանների այցելությունները զարգացնում են գեղեցիկը տեսնելու և գնահատելու ունակությունը: Զարգանում է նաև երեխաների էսթետիկ ճաշակը, նրանք կարողանում են տեսնել գեղեցիկ ամենուր՝ բնության մեջ, կյանքում, առօրյայում: Էքսկուրսիաները նաև զարգացնում են ճանաչողական ակտիվությունը: Դաստիարակության գործունեության այս ձևը նպաստում է երեխաներ բարոյական, հայրենասիրական դաստիարակությանը: Ձևավորում գեղագիտական զգացմունքները և հուզական արձագանքը շրջապատի և դրանում տեղ ունեցող իրադարձություններ հանդեպ: Էքսկուրսիաները ձևավորում են նաև գիտակցական կարգապահություն և կազմակերպվածություն, վարքի ճիշտ դրսևորումներ բակում, հասարակական վայրերում, դաստիարակի կարգադրություններն հետևելու և կատարելու ունակությունները:

2.2 Ազդեցությունը երեխաների հոգեբանության և Էմոցիաների վրա

Իհարկե, էքսկուրսիաները կարևոր դեր են խաղում նախադպրոցական տարիքի երեխաների զարգացման գործում՝ դրական ազդեցություն ունենալով նրանց հոգեբանության և ընդհանուր զարգացման վրա:

Նախադպրոցական տարիքի սանի զարգացման հմար շատ կարևոր է էքսկուրսիաների բոլոր տեսակների կիրառումը, քանի որ դրանց համադրումը բերում է համակողմանի զարգացման:

Ահա մի քանի ասպեկտներ որոնք հարկավոր է հաշվի առնել.

- Էքսկուրսիաների ընթացքում երեխաներն ավելի ուշադիր են ընկալում իրենց շրջապատող աշխարհը: Նրանք ուշադրություն են դարձնում մանրամասներին, գույներին, ձևերին, ինչը նպաստում է դիտարկյալ և տեսողական ընկալման զարգացմանը:
- **Խթանում է հետաքրքրասիրությունը:** Նոր վայրեր այցելելը և շրջապատող աշխաչի տարբեր ասպեկտների հետ ծանոթանալը երեխաների մոտ հետաքրքրություն է առաջացնում: Էքսկուրսիաները հնարավորություն են տալիս հարցեր տալ, պատասխաններ փնտրել և ընդլայնել գիտելիքները:
- **Սոցիալական փոխազդեցությունը:** Խմբային էքսկուրսիաները նպաստում են սոցիալական հմտությունների զարգացմանը: Երեխաները սովորում են շփվել միմյանց հետ, կիսվել տպավորություններով և համագործակցել խնդիրների լուծման հարցում:
- **Դրական և վառ հիշողությունները,** որոնք կապված են թանգարաններ, կենդանաբանական այգիներ կամ այլ հետաքրքիր վայրեր այցելելու հետ, կարող են երեխաների մոտ դրական վերաբերմուն ստեղծել ուսամա և հետազոտության նկատմամբ:
- **Էքսկուրսիայի փորձը հարստացնում է երեխայի հիշողությունը:** Տեսողական և հուզական տպավորությունները օգնում են ամրապնդել տեղեկատվությունը և հիմք ստեղծել հետագա ուսուցման համար:
- Էքսկուրսիաների միջոցով բնության, արվեստի, պատմության և մշակույթի հետ ծանոթությունը, նպաստում է երեխաների մոտ **հարգանքի ձևավորմանը:** Իրենց շրջապատող աշխարհի և դրա բազմազանության նկատմամբ:

Այսպիսով, էքսկուրսիաները ոչ միայն զվարճալի ժամանց են, այլև արդյունավետ գործիք նախադպրոցական տարիքի երեխաների կրթության և դրական հոգեբանության ձևավորման գործում:

2.3 Ծանոթացում շրջակա աշխարհին և մշակույթին

Շրջակա աշխարհին ծանոթանալը երեխայի հոգեկան զարգացման և բնավորության գծերի ձևավորման անհրաժեշտ պայման է:

Դաստիարակը պետք է երեխաների մտահորիզոնը հարստացնի առարկաների, մարդկանց և նրանց աշխատանքի, կենդանի և անկենդան բնության վերաբերյալ գիտելիքներով: Այդ խնդրի լուծումը կնպաստի երեխաների մտավոր ընդունակությունների և խոսքի զարգանալուն:

Շրջակա միջաայրը ճանաչելը լիարժեք է այն ժամանակի, երբ այն սերտ կապված է երեխաների զգացմունքները դաստիարակելու հետ, այսինքն մարդկանց նկատմամբ սիրո և բարիացակամության, ամեն տեսակ աշխատանք կատարող մարդկանց նկատմամբ հարգանքի, հայրենիքի, հայրենի բնության, մեր ավանդույթների նկատմամբ: Էքսկուրսիաները առաջին հերթին նպաստում են երեխաների խոսքի զարգացմանը, նրանք ճանաչում են իրենց շրջապատը, առարկաները, դրանց անունները, էական հատկանիշները: Սովորում են հարցնել, պատասխաններ տալ, պատմել տեսածի մասին: Էքսկուրսիայի կազմակերպման համար խիստ



կարևոր պայման չէ մանկապարտեզից շատ հեռվանալ, այն կարելի կազմակերպել նաև մանկապարտեզի շենքում կամ տարածքում: Էքսկուրսիան մանկապարտեզի շենքում կատարելիս կարելի է այցելել օրինակ խոհանոց, տեսնել խոհարարի

աշխատանքը, ինչպես է պատրաստվում, և հնարավորության դեպքում մասնակցել ճաշատեսակի պարաստմանը: Դաստիարակը պետք է պատմի մանկապարտեզի բոլոր աշխատակիցների աշխատանքի մասին, երեխան պետք է հստակ պատկերացում ունենա թե օրինակ ինչ աշխատանք է կատարում դաստիարակի օգնականը: Կարելի է հետևել այգեպանի

աշխատանքին, ինչպես է աշխատում, օգնել նրան փոքրիկ գործերում: Անչափ կարևոր է խոսել երեխաների հետ տարբեր աշխատանքների կարևորության մասին: Մերմանել նրանց մեջ սեր դեպի աշխատանքը, հարգանք ամն տեսակ աշխատանի և դրանք կատարող մարդկանց հանդեպ: Կրելի է նաև զննական խաղեր կազմակերպել տնային գործունեության առարկաների ու նրանց հատկությունների վերաբերյալ գիտելիքներն ամրապնդելու, ինչպես նաև առարկաների գույները, չափերը, ձևերը, ճիշտ անունները յուրացնելու համար:

Դեպի մշակութային վայրեր ուղղված այցերը, նպաստում են նախադպրոցական երեխաների գեղագիտական հայացքների, ինչպես նաև ճաշակի ձևավորմանը, դարձնում ունակ իրերն ու երևույթները գնահատել էմոցիոնալ կերպով: Այսօր հայաստանի թանգարանների մեծ մասը ներկայանում է բազմապիսի կրթական ծրագրերով: Որոնք նախատեսված են նև դպրոցական տարիքի երեխաների համար: Հետաքրքիր ինտերակտիվ էքսկուրսիաների, տարբեր թեմաներով կրթական ծրագրերի միջոցով թանգարանները այս հասակի երեխաներին մոտեցնում են արվեստին: Դեպի մշակութային վայրեր այցելությունների շրջանակում կարելի է ներառել այցը ցուցահանդեսներ (օր.՝ Հ. Իգիթյանի անվան գեղագիտական ազգային կենտրոն), որտեղ երեխաները կտեսնեն իրենց հասակակիցների վրձնած նկարները ձեռքի աշխատանքները, քանդակները, պատկերացում կկազմեն կերպարվեստի ճյուղերի մասին: Մի շարք թանգարաններում ու գրադարաններում (Խնկո ապոր գրադարան) ամռան ամիսներին գործում են ամառային դպրոցներ, փոքրիկ այցելուներին առաջարկելով հետաքրքիր նախագծեր: Հովհաննես Թումանյանի տուն-թանգարանում, տիկնիկային և խամաճիկների թատրոններում ևս նախադպրոցական տարիքի երեխաների համար նախատեսված հետաքրքիր ծրագրեր, ներկայացումներ կան:



Արվեստը խորը ազդեցություն է թողնում նախադպրոցական տարիքի երեխաների մտավոր զարգացման վրա՝ ընդգրկելով նրանց անհատականության տարբեր կողմերը: Նախ, ստեղծագործական գործունեությունը նպաստում է երեխաների ստեղծագործական

մտածողության խթանմանը: Նկարչությունը, քանդակագործությունը, երաժշտությունը և պարը երեխաներին հնարավորություն են տալիս արտահայտել իրենց գաղափարներն ու զգացմունքները, ինչը օգնում է զարգացնել յուրահատուկ մտածելակերպ: Արվեստը նաև զարգացնում է երևակայությունը: Սա կարևոր է նրանց մտավոր զարգացման և խնդիրների լուծման, ստեղծագործական մոտեցման ձևավորման համար: Բացի այդ արվեստի գործունեությունը, օրինակ՝ կավձանկարչությունը, կավով քանդակագործությունը և այլ ստեղծագործական ախշխատանքները պահանջում են ճշտգրտություն և ձեռքի հսկողություն, որն օգնում է զարգացնել մանր մոտորիկան, ինչն անհրաժեշտ է գրավոր հմտություններին վարժ տիրապետելու համար:

ԵԶՐԱԿԱՑՈՒԹՅՈՒՆ

Ուսումնասիրելով այս բոլոր նյութերը, հանգում ենք այն եզրակացության, որ նախադպրոցական տարիքի երեխաների հոգեբանական զարգացման մեջ էքսկուրսիաների դերի ուսումնասիրության հարցում կան մի քանի հիմնական ասպեկտներ.

- Էքսկուրսիաները երեխաներին հնարավորություն են տալիս զգալու իրենց շրջապատող աշխարհի տարբեր ոլորտները ավելի լայն համատեքստում:
- Էքսկուրսիաների ընթացքում ստացված տեսողական, ձայնային և շոշափելի տպավորությունները, հարուստ աղբյուր են երեխաների զգայական ոլորտի զարգացման համար: Բացի այդ էքսկուրսիաները նպաստում են երեխաների սոցիալական հմտությունների զարգացմանը: Նոր մարդկանց այդ թվում մեծահասակների և հասակակիցների հետ ծանոթությունը հնարավորություն է տալիս հաղորդակցման և համատեղ գործունեության հմտությունների զարգացմանը: Այսպիսով երեխաները զարգացնում են իրենց ինքնուրույնությունը:
- Էքսկուրսիաները խթանում են ճանաչողական հետաքրքրությունը և աստիվացնում ճանաչողական գործընթացները: Նոր առարկաների ուսումնասիրությունը և ուսուցիչների ու հասակակիցների հետ տարբեր հարցերի քննարկումները նպաստավոր միջավայր են ստեղծում գիտելիքների ձեռքբերման, մտածողության ու խոսքի զարգացման համար: Այս փորձառությունները դրականորեն են ազդում երեխաների կրթական ձեռքբերումների վրա:

Այսպիսով էքսկուրսիաները նախադպրոցական տարիքի երեխաների ուսումնական գործընթացի կարևոր բաղադրիչն են: նման գործողությունների իրականացումը մանկական հաստատությունների կրթական պրակտիկայում կարող է օգնել երեխաների համար ստեղծել ավելի արդյունավետ և հետաքրքիր կրթական միջավայր:

ԳՐԱԿԱՆՈՒԹՅԱՆ ՑԱՆԿ

- «ՄԱՆԿԱԿԱՆ ՄԻՋԻՆ ԽՄԲԻ ԿՐԹԱԿԱՆ ՀԱՄԱԼԻՐ ԾՐԱԳԻՐ»
- «ՄԱՆԿԱԿԱՆ ԱՎԱԳ ԽՄԲԻ ԿՐԹԱԿԱՆ ՀԱՄԱԼԻՐ ԾՐԱԳԻՐ»
- ՄԵԹՈԴԱԿԱՆ ՑՈՒՑՈՒՄՆԵՐ «ԴԱՍՏԻԱՐԱԿՈՒՑՈՒՆԸ ՄԱՆԿԱՊԱՐՏԵԶՈՒՄ» ԾՐԱԳՐԻ ՎԵՐԱԲԵՐՅԱԼ
- «ՆԱԽԱՇԱՎԻՂ ԳԻՏԱՄԵԹՈԴԱԿԱՆ ՀԱՆԴԵՍ»
- «ԿՐԹՈՒԹՅՈՒՆԸ ԹԱՆԳԱՐԱՆՈՒՄ» ՈՒՍՈՒՆԱՄԵԹՈԴԱԿԱՆ ՁԵՌՆԱՐԿ» ԱԼ. ԳՐԻԳՈՐՅԱՆ Ա. ՄԱՐԱԲՅԱՆ
- «ԴԱՍՏԻԱՐԱԿԻ ՈՒՍՈՒՄՆԱՄԹՈԴԱԿԱՆ ԱՇԽԱՏԱՆՔՆԵՐԻ ԿԱԶՄԱԵՐՊՈՒՄԸ ՆԱԽԱԴՊՐՈՑԱԿԱՆ ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆՆԵՐՈՒՄ»